

թապառուղ, համեմունքներ և հանքային նյութեր: Կիրիկիա էին ներմուծվում մի շարք ապրանքներ, ինչպիսիք են մետաքսեղեն, զարդեղեն, զենք, օճառ և այլն:

Արտոնություն ստացած օտար առևտրականների մեծ մասը ապրանքների համար վճարում էր մաքս մեկ տոկոսի չափով, մինչդեռ ոչ արտոնյալ պայմաններով սահմանված էր չորս տոկոս: Ներմուծվող և արտահանվող ապրանքներից ստացվող մաքսը վճարվում էր նավահանգիստներում և լեռնանցքերում հիմնված մաքսային վարչության տներում, որոնք աղբյուրներում կոչվում են բաժտառն: Առևտրական արտոնագրերում և շնորհագրերում, Սըմբատի Դատաստանագրքում նշված են բաղմաթիվ այդպիսի հարկերի և մաքսերի տեսակներ:

Առևտրից գանձվող մաքսերն ու հարկերն էին.

1. Ոսկե, արծաթե իրերի և թանկագին քարերի վաճառքից ստացվող հարկեր:

2. Սանսարյան—միջնորդության հարկը, որ գանձվում էր Կիրիկիայի շուկաներում, տոնավաճառներում և խանութներում վաճառվող ապրանքներից:

3. Պասաժում — անցահարկը և տուրքը, որ գանձվում էր կիրճերի, լեռնանցքերի, կամուրջների և գետերի վրայով կատարվող առևտրից:

4. Անգորաժում հարկը՝ նավահանգիստներում խարսխվող նավերից:

5. Տարուլաժում կոչվող հարկը, որ գանձվում էր շուկայում վաճառքի սեղան ունենալու համար:

6. Տրանզիտուզ կոչվող հարկը, որ գանձվում էր ֆեոդալ հողատիրոջ կամ թագավորի կողմից նրանց տերիտորիայի վրայով փոխադրվող ապրանքների համար:

7. Էգսակցիո հարկը, որ գանձվում էր օտար պանդոկապետներից և գինեվաճառներից:

Բնական է, որ Կիրիկյան արքունի գանձարանը մեծ եկամուտներ էր ըստանում արտաքին և տարանցիկ առևտրից, որն իր հերթին նպաստում էր Կիրիկիայի տնտեսական զարգացմանը:

6. ԿԻՐԻԿԻԱՅՈՒՄ ԿՏՐՎԱԾ ԴՐԱՄՆԵՐԸ

Ներքին և արտաքին առևտրին զարկ տալու համար կիրիկյան իշխանավորները և թագավորները կտրեցին իրենց գրամները⁶², որոնք գերազանցապես

62 Կիրիկյան Հայաստանը իր գոյության ողջ ընթացքում լայն կապերի մեջ լինելով Միջերկրականի արևելյան ու արևմտյան շուկաների հետ, ապրանքափոխանակության պահանջով թուրքի է մեծ քանակությամբ դրամներ: Դրանց մի շնչին մասը, ավելի քան 13,000 դրամ, առանձին ժողովածոներով, պահվում է Վիեննայի ու Վենետիկի Մխիթարյան թանգարաններում, Հայաստանի պատմության պետական թանգարանում (Երևան), ՍՍՀՄ ժողովուրդների պատմության թանգարանում (Մոսկվա), Պետական էրմիտաժում (Լենինգրադ), Քարթլայի հնագիտական թանգարանում (Ստամբուլ), Ֆրանսիայի ազգային մատենադարանում (Փարիզ), Ամերիկյան դրամագիտական ընկերությունում (Նյու-Յորք) և շատ այլ պետական ու անհատական ժողովածոներում:

հայերեն գրերով արծաթե ու պղնձե դրամներ էին: Դրամների թողարկումը Կիլիկիայում սկսվել էր դեռևս Ռուբինյանների իշխանութիւնի շրջանում: Հատուկ կենտ նմուշներով պահպանվել են Թորոս Ա-ի (1099—1129), Թորոս Բ-ի (1145—1169) և առավելագույն Ռուբինյան վերջին իշխան Լևոնի (1187—1198) պղնձե դրամները, որոնցով կատարվել է առևտուրը երկրի ներսում: Իշխանների անուններից բացի դրանց վրա դրոշմված է նաև խաչի նշանը:

Թագավորութիւնի շրջանում դրամներ են թողարկվել մշտագետ, Լևոն Բ 1198 թ. Թագավոր հռչակվելով անմիջապէս կարգավորեց երկրի դրամական տնտեսութիւնը և թողարկեց արծաթե ու պղնձե, իսկ առանձին դեպքերում նաև ոսկե դրամներ: Լևոն Բ-ի առատորեն թողարկած արծաթե ու պղնձե դրամները շրջանառութիւն մեջ են եղել ողջ XIII դարի ընթացքում: Այս դրամներն իրենց ձևավորմամբ օրինակ հանդիսացան Կիլիկիայում թողարկվող հետագա դրամների համար: Լևոն Բ-ի կտրած ոսկե դրամները գերազանցագույն շքադրամ էին 4,8 գրամ նվազագույն և 7 գրամ առավելագույն քաշով: Շրջանառութիւն մեջ հիմնական դրամային միավորը արծաթե դրամն էր, որը թողարկվում էր զանգվածաբար:

Դրամների մի երեսին դրոշմվում էր հայոց թագավորի պատկերը, շուրջը գրված՝ Լեւոն թագաւոր Հայոց, մյուս երեսին՝ մեկ կամ, ավելի հաճախ, երկու առյուծ՝ խաչի նշանով⁶³:

Թողարկվել են նաև պղնձե խոշոր դրամներ, որոնց մի երեսին պատկերված է թագավորի առյուծանման գլուխը, շրջապատված Լեւոն թագաւոր Հայոց գրութիւնով: Պղնձե այդ դրամների հակառակ կողմերին պատկերված է խաչ, շուրջը գրված՝ Եիւնեալ ի քաղաքս ի Սիս: Լևոն Բ-ի օրոք դրամները թողարկվում էին տարբեր կշռաչափի, որոնք հայտնի էին տարբեր անուններով: 5,1 գրամ միջին քաշով արծաթե դրամները կոչվում էին երկդրամյաններ, դրանց կես կշիռը ունեցող (մոտ 2,9 գրամ) արծաթ դրամային միավորները՝ կես երկդրամյաններ, իսկ 1,30 քաշով արծաթե դրամները՝ կեսդրամյաններ:

Պղնձե խոշոր դրամը կոչվում էր «դանգ» և թողարկվում էր մոտ 7,40 գրամ միջին քաշով: Հեթում-Ջաբելի (1226—1270) համատեղ թագավորութիւնի տարիներին թողարկվեցին արծաթե դրամներ՝ 2,84 գրամ միջին քաշով, որոնց մի կողմի վրա դրոշմված էր Հեթումի և Ջաբելի պատկերները. կանգնած և խաչը միասին բռնած, մյուս կողմին՝ խաչակիր առյուծը, շուրջը արձանագրված՝ Հեթում թագաւոր Հայոց: Այդ ժամանակներում թողարկվեցին նաև երկլիզվյան հայերեն ու արաբերեն արձանագրութիւններով արծաթե դրամներ: Դրանք շրջանառութիւն մեջ մտան 1236—1245 թթ.՝ Հե-



Լևոն թագավորի ոսկե դրամը

63 Լևոն Բ կտրել է նաև արծաթե շքադրամ իր օձման առթիվ՝ Քրիստոսի առջև իր ծննդադիր պատկերով մի երեսին և երկու առյուծների ու խաչի պատկերով մյուս երեսին:

թում Ա-ի և Իկոնիայի սելջուկյան սուլթաններ Քեյ-կուբադի ու Քեյ-նոսրովի անուններով, որի առթիվ նախապես հատուկ համաձայնություն էր կայացել: Ներքին շուկայի համար 7,20 գրամանոց պղնձե «ղանգ»-երից բացի, թողարկվեցին նաև 4,60 գրամ քաշով պղնձե գրամներ, որոնք կոչվում էին «քարտեզ»: Դրանց վրա թագավորը պատկերվում էր հեծյալ կամ գահին նստած:

Հեթումին հաջորդած Լևոն Գ-ի օրոք (1270—1289) շրջանառության մեջ մտան այսպես կոչված «նոր գրամներ»՝ արծաթից, 2,60 գրամ քաշով և թագավորի, որպես հեծյալի պատկերով: Հեթում Բ-ի (1285—1305) թագավորության տարիներից արծաթ գրամներ չեն պահպանվել: Հայտնի են սակավաթիվ և թեթև քաշի (մոտ մեկ գրամ) փոքրիկ (15 միլիմետր տրամագծով) բիլոնե գրամներ: Դրանց վրա պատկերված են թագավորը՝ հանդիպահայաց դեմքով և խաչի նշան. արձանագրությունը՝ Հեթում թագաւոր ամենայն Հայոց: Ըստ որում, առաջին երկու բառերը նշված են միապետի դիմաքանդակի շուրջը:

Հեթում Բ-ի պղնձյա գրամները նույնպես թողարկվում էին թագավորի հանդիպահայաց դիմաքանդակով, սակայն եղել են նաև պղնձե գրամներ, որոնց վրա Հեթում Բ երբեմն պատկերված է արևելյան ձևով՝ ծալապատիկ նստած, մի ձեռքը կրծքին, մյուսով՝ գավազանը բռնած: Սմբատի խիստ կարճատև թագավորության տարիներին (1296—1298) թողարկվում էին արծաթե գրամներ, որոնք գրեթե նույնությամբ կրկնում էին Ռուբինյանների հզորության ժամանակները հիշեցնող Լևոն Բ-ի արծաթե երկառուծ գրամների պատկերատիպը: Դրանով նա հավանաբար կամենում էր շեշտել, որ ինքը Ռուբինյանների հաջորդն է, և ոչ Հեթումյանների, որոնց գահը բռնագրավել էր:

Սմբատին հաջորդած Կոստանդին Ա, որի թագավորությունը մեկ տարի շտեյց, դրվագել տվեց ոչ միայն արծաթե ու պղնձե, այլև ոսկե գրամներ: Չնայած շատ քիչ գրամներ են պահպանվել Կոստանդինից, բայց պատկերադրային առումով դրանք ուրույն տեղ են գրավում հայաստան գրամների շարքում:

Կոստանդին Ա-ի ոսկե գրամները ունեցել են 3,50 գրամ քաշ՝ մի կողմի վրա պատկերված ձիավոր թագավորը, աջ ձեռքին սուր բռնած, խոկ հակառակ կողմի կենտրոնում՝ Սսի անառիկ ամրոցը՝ մեկ կամ երեք աշտարակներով: Ոսկե գրամի վրա նշված արձանագրությունը՝ «Սսոյ բերդն է թագաւոր», կա միայն Կոստանդին Ա-ի գրամների վրա: Արծաթ գրամների վրա հայոց թագավորը պատկերված է ուղիղ կանգնած՝ աջ ձեռքին սուր, ձախին՝ խաչ, շուրջը գրված՝ «Կարաղութինն Այ է թագոր»: Այդ արծաթ գրամների վրա՝ մյուս կողմից թագավորը ներկայացված է ձիավորի տեսքով, աջ ձեռքին նորից սուր բռնած, խոկ շուրջը արձանադրված. «Կոստանդիանոս թագաւոր Հայոց»: Պղնձե գրամները՝ «քարտեզները» ունեցել են 2,40 գրամ միջին քաշ և խաչի նշան:

XIV դարի սկզբից փոխվում է գրամա-կշռային սիստեմը: Դրամային տնտեսությունը սնանկացումը բացահայտ է դառնում: Լևոն Դ (1301—1307)

Թագավորի տարիներին Կիլիկիայում թողարկվում են նոր դրամային միավորներ՝ նոր անուններով: Դրանք Հայկական թագավորության անկման շրջանի դրամներն են:



Լևոն թագավորի կնիք

Հիմնական դրամային միավորը «թագուորին» կոչվող արծաթե դրամն էր՝ 2,30 գրամ միջին քաշով և արծաթի ցածր տոկոսով:

Պղնձե դրամների շարքում XIV դարի սկզբից հանդես է գալիս «փող» կոչված միավորը:

Ներքին շուկայի համար նախատեսված այդ «փող» պղնձե դրամները սկզբում դրվագվում էին համեմատաբար խոշոր տրամագծային շափերով (5,7—2,4 գրամ քաշով), որոնք հետագայում շատ փոքրացան (1,2—0,65 գրամ քաշով) ու բոլորովին չքացան:

XIV դարում դրամների վրա դրոշմվող պատկերները և մակագրությունները դառնում են միատիպ (կանոնիկ), անարվեստ: Բացի Սսից դրամներ կտրվել են Տարսոսում:

Դրամական տնտեսության անանկությունը դարձել էր բացահայտ: Բիլոնե փոքրիկ դրամները 0,70 գրամ քաշով Կիլիկյան Հայաստանի վերջին գրամները եղան: Հետագայում՝ 1393—1489 թթ. Կիպրոսի թագավոր-թագուհիները թողարկեցին լատինատառ դրամներ, որոնց վրա դրոշմում էին իրենց տիտղոսները՝ իբրև Հայաստանի թագավորներ, սակայն, սրանք հայ ազգային դրամների հետ կապ չունեին:



Հերոս քաղաքի զրամը

Այսպիսով, Կիլիկիայի հայկական պետությունն իր ժագման ու զարգացման ողջ ընթացքում հայերեն գրերով զրամներ է թողարկել, որոնք լայն տարածում են ունեցել: Դրանք հայտնաբերվել են առանձին օբիեակներով և ամբողջական գանձերի ձևով, ըստ որում ոչ միայն բուն Կիլիկիայում, այլև Նրա սահմաններից դուրս, որովհետև սպասարկել են ոչ միայն ներքին, այլև արտաքին շուկաների պահանջները: